

Til
Lokalforeiningar og lokalråd,
distriktsstyret, distriktsråda,
leiarar i valnemnder, revisor, kontrollkomiteen

Førde, 2. mars 2018

INNKALLING TIL DISTRIKTSÅRSMØTET 2018; 6. – 8. APRIL I BALESTRAND

Viser til tidlegare annonsering i Agenda med innkalling til årsmøte i Sogn og Fjordane Røde Kors 2018. Årsmøtet vert halde på Kviknes Hotell i Balestrand. Valmøta til distriktsråd for omsorg og for hjelpekorps, og møta for ungdommen og for lokalforeiningane vert laurdag 7. april før lunsj. Sjølve distriktsårsmøtet vert same dag etter lunsj.

Tradisjonen tru vert det lagt opp til ein uformell start på årsmøtehelga med førkveld fredagen. Ambisjonen med desse førkveldane har vore å gje inspirasjon og noko til glede og ettertanke. Tema og innleiar i år er ikkje avklart i skrivande stund.

Det vert tatt atterhald om utvida lunsj med litt meir innhald enn mat laurdagen – som førre år.

Dagsorden og saksdokument til distriktsårsmøtet vert sendt pr. e-post innan 17. mars til lokalforeiningane og lokalråda, og til delegatar og observatørar som då er påmeldt årsmøtet. Papirversjonen av saksdokumenta vert ettersendt til dei som vil ha dei i hende før årsmøtet. Alle saksdokumenta vert gjort tilgjengeleg i papirform for alle som deltek på årsmøtet.

Påmelding til årsmøtet skjer ved å gå inn på denne linken - og legge inn naudsynt informasjon. Påmeldingsfristen er måndag 19. mars.

Kvart lokalråd kan delta med både leiar og nestleiar (to delegatar) i dei respektive valmøta til distriktsråda. I årsmøtet kan lokalforeiningane vere representert med inntil fire delegatar; ein frå lokalforeininga og ein frå kvart lokalråd. Lokale ledd kan ha med observatørar til alle møte.

Avtalt pensjonspris med hotellet for buande gjestar (pr. person):

- fredag kveld (inkl. program og middag) - søndag (inkl. lunsj) i enkeltrom: kr. 2.530,-
- fredag kveld (inkl. program og middag) - søndag (inkl. lunsj) i dobbeltrom: kr. 2.530,-
- laurdag morgon (rundstykke ved ankomst) – søndag (inkl. lunsj) i enkeltrom: kr. 1.690,-
- laurdag morgon (rundstykke ved ankomst) – søndag (inkl. lunsj) i dobbeltrom: kr. 1.690,-

Prisar for ikkje buande (pr. person):

Dagpakke laurdag med kaffipausar og lunsj	kr. 425,-
Dagpakke laurdag med kaffipausar, lunsj og middag	kr. 845,-
Dagpakke søndag med kaffipausar og lunsj	kr. 425,-

Lokalforeiningane betalar for alle sine deltakarar samla (inkl. delegatar og observatørar frå lokalråd, avdelingar og grupper). Det vert sendt ut faktura etter avslutta årsmøte.

Distriktsstyret ber lokalforeiningane og avdelingane drøfte årsmøtesakene i sine styre, slik at alle er godt førebudde og deltek aktivt under årsmøteforhandlingane!

Distriktsstyret ser fram til eit aktivt og gjevande årsmøte, til beste for den einkilde deltakar og Røde Kors organisasjonen. Vi ynskjer gjester, representantar og observatørar hjarteleg velkomne til hyggelege årsmøtedagar i Balestrand.

Vel møtt!

Med helsing
for SOGN OG FJORDANE RØDE KORS

Synøve Sande/s
Distriktsleiar